

遇遐遐感又白請問啓甯君曰三洞聖路元始通生天通於人人通於道德道修真玄關何在甯君答曰神符告命萬帝俱朝佩服躡符三洞通啓九地保舉八景營形聖境真鄉潛昇往至汝可諦聽受吾躡符昇虛入无皆從此起經是運路趣道來由符是玄樞入道法戶也

黃帝拜謝又白啓曰生天相好感象成軀神淨身明入道方急志求仙路願示寶文章及神頰賜垂聖目請乞受持奉修秘旨

甯君告黃帝曰元始應相境界垂形天人相通報力隨感九天應化尚自不同九品上人骨相皆別輕重有異報應无差夙有玄名始有仙相汝先代有慧慶及今生昇入仙階奉吾此錄大道無象應相立形應相生天始名相體凡學仙道未可即成皆藉先緣仙相後感言龍躡符者雲網躡舉昇虛入无乘氣御龍上至玉帝元始告命太上為宣方始至於遣吾傳授也吾今宣道為汝宣經應感見吾即吾非有道通无外授汝寶章仙籍通天

亦通汝應合得道名舉將來始受汝符告命之信也神符神籙元天命門神印神經三天告始志念吞服六符圓明佩帶靈圖七元通啓九天命召九地奏名神昇於天經道變顯符經異目受說不同次授躡符別為一錄可傳後代有道聖君密而修之非賢不度也

上清太上開天龍躡經

正一天師清微弟子 洪百堅 製作  
道教學術資訊網

上清太上玉清隱書滅魔神慧高玄真經承一

大洞滅魔神慧玉清隱書

大洞消魔神慧內祝隱文

九天玉清紫文丹章綠字隱文

神經出自高上大洞口設隱書天地萬精之

音以傳玉清消魔王神霄玉清王制魔召真

巨檢萬靈太上以上官玉女金仙玉童各二

百七十人典香拂塵侍衛神文秘於太上三

元紫房之內六合宮中

玉清帝君道遙洞清之上晏景龍山時引高

聖玉清之賓消魔大神神霄玉清王曲寢瓊

瑤之內金花之房清齋三年披誦高上高玄

真文神奇出於自然妙音朗於十方高韻落

落玉輪瑛瑛神秀華庭煥耀太空八帝齊景

五老翼真玄始睽朗天元敷陳伏默攘撥猛

馬奔驚大師仗旛羅騎億千檢魔攝邪撒落

萬靈山海靜波三光合明於是帝君乃自彈

景龍雲璣百和合唱瓊響太虛蕭條流清玉

音激炁八風交真於中天五華羅仙於四竭

神嘯啟於琳琅之闢妙韻發於大洞之機爾

乃命北寒金臺龍華玉女鬱蕭明定雲敷安  
廷昌飛四筴等合歌高上洞神之詩滅魔招  
真之典其詞曰

偶景策飛蓋迅舉浮八清整控啓丹衢流野  
宴雲營協神飄津波蹇趾步蹇庭龍輪躍玉  
質羽服翠紫駢超凌六領臺紛紛落鳳城勢  
提神霄玉高會太上京仰披三素房長煙灑八  
溟至道越蘭闕縹緲虛上生絕峯通妙觀太  
暉朗玉清積勤感太素誰測形與名待初未  
終旦修欵攀萬齡冥運自有會安知天地傾  
乘我自生運策景涉北元流霄隨我迴飛蓋  
陰綠棘高登四明闕華瓊素金門神暉洞蘭  
峯三景煥已分結朗始生悉八會坦幽源落  
落玄漢初太陽協朝晨靈化四蓋庭妙暢法  
亦全運理自然道鬱若高上文千秋無質生  
檢刺天魔羣玄會大洞野採精擬日魂含精  
鍊丹房長保無終椿迴華寢丹房默想念高  
玄間寂無塵累矚目霄中宸凝神標九領連  
更續長煙三燭朗太暉絕空中生真秀景曜  
玉州協神整華年幽運應冥會眇眇逐景遷

萬感自啓運良謀亦有津玉帝理靈樞蕭蕭  
九重天獨步冥領峯縱懷在元間自無高仙  
韻躡彼亦何緣道藏金極章寶我玉清篇太  
虛洞玄清清中生玄微碧雲繞丹房絕宇曜  
紫暉抗足萬津波玄步登玉扉八風鼓高峯  
雲萬何嗚嗚龍鳳鳴九霄會韻唱何悲靈境  
無崖際四顧皆空垂莽莽天漢陰飄飄上清  
畿冥樞應感會玄寂真人懷數來劫自運理  
極神自歸明誦高上文密求反華頰轉詩以  
招真神慧變天威制命合玄符控節微太微  
妙覺無礙墜廓然靈關併景反符棘高起  
絕嶺飛玄栖重虛館靜想高神迴  
歌畢於是帝君即命五老上真請高上大洞  
滅魔神慧高玄真經玉清隱書以雲錦之囊  
封以蒼天之章付仙都左公字錄瓊宮以玉  
華之女金晨玉童各三十七人執中典香侍  
衛神文依四極明科七百年一傳自無玄名  
帝國刻簡來生金骨玉髓擬命合仙不得來  
聞其道高妙故曰隱書太上所寶秘不傳於  
下世輕泄靈文身負風刀萬代被殃

高上神經皆上表高真之秘諱下載天地萬  
精之音以招仙滅魔通理幽闢皆出高上口  
訣以施大洞真經上宰法筆太一拂筵玉郎  
誤目天妃結篇五帝集校以成靈文五老監  
試左仙輔真太華典香金晨揚煙神奇發逸  
玉慧洞明靈化威乎天地文輪煥手上清發  
口則聲參太微高上遙唱誦之一遍則九天駭  
聽玉帝禮音萬真監庭羣凶滅景天魔摧傾  
行此之道則悉達清霄澤布九津拔度七祖  
更生上天以標神經之妙貴可謂難可載勝  
焉凡修迴風混合大洞真經三十九章皆當  
先誦高上滅魔神慧一遍以滅試招真通理  
三關惠整形散令蘭悉布津萬神定位調暢  
玉聲悉和響清乃誦妙章金音朗徹於高上  
妙旨淩粲於十方則皇老遠監於丹苦三元  
記勒於紫房拔七祖於幽塗度更胎於南仙  
生死享其祚福榮羨流於種親其道秘妙不  
得妄宣輕泄靈音身沒河源七祖謝責結罪  
幽山九天禁書非真勿傳  
大洞滅魔神慧玉清隱書

玄景散天瀉清漢薄雲迴妙炁煥三晨丹霞  
 曜紫微清天舒靈彩流霄何霏霏神燈朗長  
 更離羅吐明暉四領帶高雲懸精陰八垂三  
 素啓高虛闕闕披重扉金墉映玉清靈秀表  
 天畿風生八會宮猛獸駢雲馳紛紛三洞府  
 真人于參差上有千景精冥德高魏魏太一  
 務猶收執命握神麾正一履昌靈攝召萬神  
 歸公子翼寂轅洞陽衛玄機明初合道康龍  
 輿正徘徊七景協神王颺輪萬杪階體矯玄  
 津上飛步絕嶺梯披錦入神丘璨璨振羽衣  
 冥摠交雲會飛景承神通清峯無墨會綺合  
 生絕空金華帶靈軒翼翼高仙翦萬壑承虛  
 散蒼藹玄上憲中生合景君九帝昌上皇明  
 輪映黃寧羽珠曜玄陽天精元素炁中五號  
 養光結朗始生神九真合成雙妙景啓冥數  
 順感標神蹤泥丸洞元光運珠正絳宮元陽  
 部命門三神携紫童拘制招上歸夫闕侍明  
 憲翳鬱對啓明圓華煥三冲方盈引接生反  
 老迴嬰家颺繁麗九天天綠繞丹房蕭蕭繼  
 靄表曲降寢華堂遊宴盼萬變歸會神霄

王仙道樂子生鬼道樂子凶但聞貴生道不  
 聞鬼道隆謠歌參天炁實生無正章神慧命  
 朱兵五帝符寒鄉仗攝攝萬魔瓊文檢北鬱  
 體解自然道妖滅非爾功汎辰鼓長扇含靈  
 慶霄峰俯盼四謝飛天劫永難終妙中生真  
 景迴輦苦遲遲意合在冥感携提高上猗翔  
 翅期妙會洞觀情轉悲嘯咤吐嗟頃倏數歷  
 九圍攝炁反交初併景幽玄極  
 於是七精停曜重關洞開百陽激電五星奔  
 移握節命靈是炁悉追鐵熊羅遮猛虎變威  
 六師斬妖銅頭捕非獲天噴毒晶昆消摧萬  
 精滅種六天崩頽三道正行何炁不迴山河  
 為之傾倒日月為之奔暉靈獸為之隨領金  
 翅為之落飛五帝束帶於神宇萬靈受對於  
 太微高上沉蓋於丹崖八景策駕於霄扉觀  
 洞源之妙化欣我道以坦懷  
 大洞高玄真人曰欲登高產披誦大洞真經  
 三十九章當先平坐正視北向叩齒三十二  
 通閉眼思已身著九色羽衣龍文之披頭冠  
 玉晨之冠手執九色之節青龍侍左白虎衛

右頭摩蓋下坐獅子仙童侍香玉女散華  
 紫雲翳鬱滿於堂宇五色玄黃羅列前後內  
 外分明皆使映朗便誦滅魔神慧隱書一篇  
 誦畢又閉眼默念心拜四方口引東方青陽  
 之精青炁九嚙使充布肝腑之中次口引南  
 方丹靈之精赤炁三嚙使充布心腑之中次  
 口引西方金魂之精白炁七嚙使充布肺腑  
 之中次口引北方玄曜之精黑炁五嚙使充  
 布腎腑之中次口引中央高皇之精黃炁十  
 二嚙使充布脾腑之中嚙五方都畢微祝曰  
 五炁混生玄上之精充布五府六管鮮明內  
 灌外逸表裏俱清滅穢招真我飛太靈常對  
 高晨誦大洞真經畢便振左手三過法擲淚  
 鈴振右手七過法擲露落七元次仰頭次搖  
 頭九過法承天次鼓脚一過法震靈搖身二  
 七過以歡萬神次拭目三過明三光次捨鼻  
 七過通明梁次捨眉後兩門三過塞邪源次  
 輪身三周開天憲次燕液九過服玉津一身  
 都畢萬神皆歡調聲正炁乃誦玉章微呪曰  
 承天覆地出入洞門左振流鈴右擲七元帶

金佩玉仙衣紛紛八景羅列萊與乘雲萬編  
朗達飛入帝晨畢乃平坐誦經此大洞之妙  
格俯仰之儀使庠序得法則高上矚目三元  
降席萬靈朝禮天魔降伏五苦咸解七祖受  
福神鳳來翔雲龍踊躍衆仙稱善於高虛五

老刻名於帝錄

凡脩上道披誦靈章而不行此法虧忽天儀  
於俯伏不足則爲北帝鬼神所笑三官所罰  
羣妖試敗身喪無益故達道者易修道者難  
也得其儀格將有飛騰之階級也

大洞消魔神慧內祝隱文

讀高上虛皇君道經當思太微小童千景精  
真之悉赤色煥煥從兆泥丸中入下布此身  
右本之下血液之府畢微呪曰

真炁下流充幽闕鎮神固精塞死源玉經惠  
朗通萬神爲我致真命長存校度七祖反胎  
仙畢引赤炁三嚙止便讀經經畢又祝曰  
天有大隱生之寶稱曰明梁之上炁守我絕  
塞之下戶更受生牢門之外乃又召益元之  
羽童列于綠室之軒使解七祖百結隨風離

根配天遷基達變入玄玉清隱文又祝曰  
元炁非本生五塗承靈出雌雄寄神化森羅  
運幽鬱玉音響太和萬唱無中發仙庭迴九  
變百混同得一易有合虛中俱入帝堂室  
畢此高上內祝秘文泄之七祖充責

讀上皇玉虛君道經當思太一尊神務猶收  
真炁紫色爛爛從兆泥丸中入下布此玉枕  
之下泥丸之後戶畢微祝曰

太一保命固神定生爲我上招帝真之炁下  
布紫戶之庭玉經仰徹九元朗明七祖同歡  
俱昇上清畢引紫炁三嚙止便讀玉經經畢  
又祝曰

兆身常死關結胎害百神百神解胎結披散  
胞內振七世入帝室一體合神仙神會玉  
堂七祖生南宮併帶理明初同帝孩道廣萬  
真守身形是日藏初明帝一迴雌雄保鎮百  
神門閉塞萬邪戶受事九宮闕典禁召司命  
三日朝泥丸  
讀高上玉帝君道經當思帝君達慶堯真炁  
紫光鬱鬱從兆泥丸中入下布兩眉中間紫

戶之外宮畢微呪曰

帝君度符籍正氣召萬神上招玉真炁充布  
兩眉間混一生帝景三素成哉仙醮衆乘飛  
蓋運昇高上軒畢引紫炁三嚙止便讀玉經  
經畢又祝曰

扶晨拍暉生紫雲映玄阿煥洞圓光蔚晃朗  
濯耀羅眇眇靈景元森灑空青華九天館玉  
賓金房唱霄歌賢哉對帝賓役召伯幽車七  
祖解胞根世世爲仙家  
玉清隱文又祝曰

丹皇運珠守鎮死門上一赤子玄帝疑天一  
名伯無上亦爲三元先扶我亦養我使我登  
雲輪常坐上清軒七玄爲仙君  
讀上皇先生紫晨君道經當思左無英公子  
玄无叔真炁玉光奕奕從兆泥丸中入下布  
兆左腋之下肝之後戶畢微祝曰  
無英神真生紫皇三炁混合成宮商招引真  
炁鎮膀胱通流三丹會洞房爲我致仙變丹  
容飛昇雲館入金埔  
畢引玉光三嚙正便讀玉經經畢又祝曰

神安炁洞上與天通越出地戶過度天門隱  
息四維七星散分飛行陰房日月植根守金  
藏玉制御萬神仙王何人我已成其隱存雖  
雄洞一四鄉結中青炁號為延高字曰和嬰  
理命水長玄歸固內慶玄宇張我日成真飛  
仙雲京

讀太微天帝君道經當思右白元洞陽君真  
炁金光耀耀從兆泥丸中入下布兆右腋之  
下肺之後戶畢微祝曰

洞陽鬱靈寶魂生金光煥煥炁中精招真固  
神今長生拔出幽根返胎嬰駿晨御炁昇玉清

畢引金光三嚙止便讀玉經經畢又微祝曰  
洞陽鬱靈寶守體死戶門開出三尸蟲受入

九真源解胞散滯血百節生正神七祖滅尸  
禍拔殖後葉患黑炁域末生斫斷胞死根上

世受道德後來獲帝仙帝仙是何人明明七  
葉孫乃祖入丹都併坐精上門

讀三元紫精君道經當思中央司命丈人君  
真炁紫雲之色爛爛從兆泥丸中入下布兆

絳官心房之中畢微祝曰

司命定年丈人保仙度名於南宮上奏帝君  
前世世為仙王拔出七葉根福報無窮已皆  
是玉經言

畢引紫雲炁三嚙止便讀玉經經畢又祝曰  
會元三構交携領迴胎嬰承光守下關務玄

待月明於是混離固鑰明車受成福延七世  
禍散玄生守景六合陵梵七靈共生億千欵

昇玉庭嬰兒徘徊羽衣命仙言濟萬萬福布  
十千骨有玉映血承瓊泉生樂天地日月同年

玉清隱文又祝曰

福布七玄前罪滅三徒中靈吹九晨抄納炁  
大帝宮五仙携太一併立重冥空遂隱上清

室羽明帝一房  
讀真陽元老玄一君道經當思命門桃君孩

道康真炁黃雲之色從兆泥丸中入下布兆  
臍中命門之外畢微祝曰

真靈正神號曰桃君混合生官守護命門通  
仙致炁齊景寶雲七祖同生受福高晨

畢引黃雲之炁三嚙止便讀玉經經畢又微  
祝曰

五微真人定錄四賓司錄促到護籍理民道  
唐挫節雲拘執樞香風八被惡魔絕煙並來  
對帝萬萬稱臣度我生籍名遷玉門扶翼五  
符鎮護波塵

玉清隱文又祝曰

太上時非子一曰合精延是為命門玉可以  
名萬神萬神即時到合會瓊羽門使令散禍

禍絕福連上寢玉堂世受名仙  
讀上元太素三元君道經當思泥丸天帝上

一赤子真炁炁如寶光從兆泥丸中入下布  
泥丸九孔之戶畢微祝曰

上元赤子號上真飛雲羽衣縹紫煙上招  
明景對帝寶寶光奕奕映我身身生毛羽

昇九天  
畢引寶光三嚙止便讀玉經經畢又祝曰

童子紫精有神有威合象三形九道相推衣  
服朱丹步正參差出入上元太極內階知我

者生存我不棄人無災兆恃賴辟非欲知吾  
處密問太微太微王帝三聖徘徊我左右

一合俱飛混洞六府日月齊暉

玉清隱文祝曰

九道轉對五老各寧洞陽銜藉號曰鬱靈  
七世父母反胎更生累業積罪泄福生  
上入帝堂受書丹明常與伯史原徘徊三  
界庭中金佩羽寶曜圓形玉輪北迴後御  
朱兵

讀上清紫精三素君道經當思絳宮中一元  
丹皇君真炁日光之色從兆泥丸中入下布  
項中大椎骨首之戶畢微祝曰

中一真君號曰連珠上招日光灌我形軀三  
真寶曜固命玉符壽億萬年永無終休身  
生羽服飛昇天衢

畢便引日光三嚙止便讀玉經經畢又祝曰  
天有九纒不可不道有三真不可去身帝  
一變景萬化以臻流珠停暉紫霞躡煙七度

迴絡三光映真太上精符相與為親司命銜  
月曜我重脣五老銜日吸我三便太上道君  
與我纏綿上造天階携把太真

讀青靈陽安元君道經當思命門下一黃庭  
元王真炁月光之色從我泥丸中入下布兩

九間車軸下戶畢微祝曰

下一真元王號曰始明精三皇把符命金契  
度仙庭上招景中炁炁布灌我形羽車曜雲  
羅令我飛上清

畢便引月光三嚙止便讀玉經經畢又祝曰  
五藏百結生此萬疾玄一林虛開關解結  
絕病散精神益溢福炁充明禍翳傾竭仙心

日臻死道月絕混化九君合符帝一七神奉符  
公子入室

讀皇清洞真道君道經當思泥丸九真帝君  
上皇真炁青光萬丈從兆泥丸中入下布口  
之四際畢微祝曰

九真始生生於上元號為先靈三景各分上  
招玄暉布流四門鎮神保仙拔度七玄懸景  
乘浮朝拜三元

畢引青炁三過止便讀玉經經畢又祝曰  
七炁離羅大混黃寧六甲輔魂內注六丁三  
真入胃液流太明五符上皇泥丸常生九星

下映日每同駢遊聘八迴雙蓋華纓上到紫  
房披中羽青七世父母各得反生

讀高上大素君道經當思膻中八真合景君  
真炁黃雲之色從兆泥丸中入下布兆背脊  
骨節之府畢微祝曰

八真結精神生九天號曰北臺君常在三合  
間招真洞明炁下流布我身生紫暉與帝  
結親攜契五老太仙纏綿

畢引黃炁三嚙止便讀玉經經畢又祝曰  
生生得帝心各會重戶內紫房混五神魂魄  
恒寶貴七關受仙輝五藏充玉炁俱過水火

天披建四和蔚上歸皇一子與兆魂相對  
讀皇上四老道中君道經當思兩腎七真玄  
陽君真炁黑雲之色從兆泥丸中入下布兆

背窮骨地戶中畢微祝曰  
七真生帝景八炁運常寧上招日中重圓珠  
映我形迴風混幽府歸妙大洞經拔出地戶

難起凌逸九天  
畢引黑炁三嚙止便讀玉經經畢又祝曰  
太一誓書上登洞房六合三賓司命神公手

執錄籍駕景乘龍左迴靈曜右扇神風峨  
峨隱珠芬豔嬰蒙浩觀太無濯鍊五通澄魂

羽幽鍊魄空洞招兆百神月常之功七祖順  
生景福昌隆迴我老艾還復玄童上對神霄  
金光十方飛騰玉輪彈金鳴鐘

讀玉晨太上大道君道經當思肺中六真上  
元素玉君真炁白雲之色從兆泥丸中入下

布兆頸外十二間梁之中畢微祝曰

六真奕奕白光央央迴帝之景上入丹鄉招  
真下流灌我玉漿羽裙紛紛衣我仙裳越過  
水火飛登神京

畢引白炁三嚙止便讀玉經經畢又祝曰

九合三離紫房散分五老正嚴帝一保神司

命奏籍奉符三元胞樹斷落血尸絕根反  
胎火朱迴炁泥丸我合九清大混百神身登  
玉房同軒金仙道遙太素徘徊三天重華列

簡黑支流玄世為道伯大福纏綿上寢玉清  
下息命門五藏秀華項負日魂長保劫齡後

天常全  
讀太清大道君道經當思脾中五真養光君  
真炁如玉光金真之色從兆泥丸中入下布

兆喉內極根之戶畢微祝曰

五真散靈布炁九玄金光曜暉玉炁吐津萬  
神並暢照怡我身圓光奏命籍太一勒九天  
降致八景與策龍駕素煙混合三帝室保我  
德劫年

畢引玉光三嚙止便讀玉經經畢又祝曰

晨登九景臺夕入神霄門太一神夫子或曰  
三來笈左執兆符籍右攜洞陽君定生會紫  
房五神更混分混分逸帝堂七祖絕死根五

毒炁零滅醫津無浮連令我尸血化帝房出  
金元三塗絕苦樹世世獲天仙常與景中王  
積劫保元元

讀太極大道元景君道經當思肝中四真青

明君真炁青雲之色從兆泥丸中入下布兆  
胃管之戶膏膜之下微祝曰

四真常生青光華精徘徊秀朗坦沈瀾玉景  
庭携提高上元俯仰要五靈拔解七葉根與  
我保華嬰

畢引青炁三嚙止便讀玉經經畢又祝曰

帝室混身一道萬分萬分合別是曰帝一白  
帝皓靈金霞迴日重冥幽家藏神化密把兆

五符與天相畢玉暉覆蓋無死無疾七祖父  
母超登丹室胞根八解死符絕滅帝得五元  
我迴三七六腋煥華金書羽札世為仙真寶  
錄玄列華紫曹玄世元曲折

讀皇初紫靈元君道經當思精血中三真元

生君真炁赤雲之色從兆泥丸中入下布兆  
畢兩孔下源之中畢微祝曰

三真煥光流丹徘徊離合九景三洞金扉上  
招朱童五苦廓開死根斷落日魂同飛超逸  
十界上昇玉階

畢引赤炁三嚙止便讀玉經經畢又祝曰

七炁混合帝一迴元結滯月散兆命長遷死  
道闕滅斷絕胞根五藏生華六腑金鮮帝一  
保形司命保神五符啟扉五籍登仙世為道

王帝師纏綿散香龍憲反華揚煙七携無上  
八暉九陳流源曲液領會六淵名書上清炁積  
寂軒迴風既死帝一相連五通七合俱生上元

讀無英中真上老君道經當思骨節二真聖  
玉君真炁碧雲之色從兆泥丸中入下布兆

太倉五腸之口畢微祝曰

二真固神鬱勃三關迴金合玉堅備泥丸上  
通帝炁布流金門混化啓明合我仙魂七祖  
同飛滅絕胞根世保道德永享欣欣

畢引碧雲之炁三嚙止便讀玉經經畢又祝曰  
魂生無中布在九重道出三極常遊絳宮

三宮合化是為紫房紫房所在先由明堂  
明堂之內守神桃康風雲鬱鬱既清且涼  
塞閉欲孔割破懸根其聖曰哥其真曰靈  
兆能知之乃開金門金門左右忽見高賢  
左曰父寧在右曰母精近此是景中伯與

爾登玉晨父寧母精世世為仙萬條重華  
皆受帝一思

讀中央黃老君道經當思心中一真天精君  
真炁絳雲之色從兆泥丸中入下布兆胷中  
四極之口畢微祝曰

一真鎮心總領百神百神常生會我絳軒上  
招玉炁六液沉珞赤景炫靈拔我七根超逸  
三塗上昇南仙

畢引絳雲之炁三嚙止便讀玉經經畢又祝曰  
帝一迴風化合挑康流生起福上溢玉堂

混而合之出入帝房三五合一必成仙君  
七玄父母滅尸散炁萬劫千重皆登上清  
仙曲節伏扈廣敷鬱中中我形者司命丈  
人帝君公子深固泥丸太微玉華羽服揚  
情魂魄長相抱百骨皆滿神神王生津上

超越度死門遂友高上子把籍玉清賓  
讀青精上真內景君道經當思九元之真拘  
制真炁五色雲炁從兆泥丸中入下布兆左  
耳伏晨之戶畢微祝曰  
九元之精天關開窻八景合炁上通金房三  
元帝室反老生翁玉華灌漑鍊改艾容飛霄

紫輿運我昇空  
畢便引五色雲炁三嚙止便讀玉經經畢又  
祝曰  
太微小童常在帝前其名景精其姓曰于合  
形太一被服朱丹五符命籍把持玉案帝君  
所臨主通諸神混合太上司令丈人固保靈  
戶五藏會分帝仙守宅凶種滅根三炁鬱敷  
八迴五煙裁得昇霄駕龍朗軒

讀太陽九炁玉賢元君道經當思皇一之魂

上歸真炁玄雲之色從兆泥丸中入下布兆  
右耳伏晨之戶微祝曰  
皇一上真洞生丹房朱映蘭曜發溢明光太  
元之音朗徹九空玄金獨樂振響琅琅上招  
玉景協我神堂策虛昇飛遊宴玉京

畢引玄雲之炁三嚙止便讀玉經經畢又祝曰  
九宮一合化形帝晨上昇紫房命真召仙會  
濟魂魄領括百神七玄康樂披苦破根死煙  
滅炁福祿充軒兆登太霄駕景控雲日中五  
帝扶日精輪鬱將逸阜馳景同遷

讀太初九素金華景元君道經當思紫素左  
元君齋鬱无刃真炁景雲之色從兆泥丸中  
入下布兆頭面之境畢微祝曰  
齋鬱生真真景生空靈炁炁景素融融上  
致流津下布我宮身生水火體變玉光飛仙  
羽蓋昇入神公受書玉京成我仙宗

畢引景雲之炁三嚙止便讀玉經經畢又祝曰  
慶元吉津流田西田大帝携手命召高仙披  
濁散穢斷絕死根上一天帝踰玄疑天曜明  
六合晴寂泥丸是為伯无上使兆保長安列



國王皇併襟帝晨五府生華六波龍源淵清  
太素鬱竊金津萬仙來朝五嶽啓陳玄冠沉  
散天福奏煙彫梁守命多長來護死門上生  
玉房受位金仙天之玉堂常接帝賢九天之  
中宴昉劫年

讀九皇上真司命君道經當思黃素中元君  
圓華黃牙真炁狀晨景之暉上華從兆泥九  
中入下布兆胃腹之境畢微祝曰

九天上景化生華暉晃暉太空曜真紫微上  
致中黃百神降迴散根離若八難豁開七祖  
同昇福覆魏魏使我神仙八景齊飛

畢引景暉之華三嚙止便讀玉經經畢又祝曰  
太帝精魂陽堂八靈披散死炁混合衆生帝  
一承圖三元會明九真安安七神寧寧超越  
滯節過度鬼兵上昇帝晨昉樂玉庭玄母定

錄五府開清胞根沒種血穢殄平七祖父母  
起福三清无英明夫孝子我仙經廣神安炁錄  
迴絕冥閉藏死關太混一生長寢羽臺上回  
神五老室受錄上清闕保德七元日上上登  
玉霄下下合帝一

讀天皇上真玉華三元君道經當思白素右  
元君啓明蕭牙真炁狀月中之華從兆泥九  
中入下布兆下關小腹至脚畢微祝曰  
白素啓明九天同生高麗素燭浮素玉清迴  
真曲仙流灑八溟通幽達微玄曜華精使我

內微五孔開明神公未遊我道克成  
畢引月華炁三嚙止便讀玉經經畢又祝曰  
魂生九炁炁變成神五光纏會太一化仙二  
十四真迴形帝先九曲下戶鎮生白雲黃庭

六腑含養命根胎結胞樹種栽死山一得拘  
制受斷滅源符籍清明金暎玉軒長為德伯  
世得道恩昇登日月遂友帝仙

讀太一上元禁君道經當思日中司命接生  
真炁三華之色從兆泥九中入布兆左手之  
戶畢微祝曰

四大乘天天元來歸三華吐曜司命景飛為  
我招仙七祖散開上登大靈日月同暉  
畢引三華之炁三嚙止便讀玉經經畢又祝曰  
太一務猶收名此司玄一老子握節往來元  
素把符白元守雖煥然晨光明披霞昇帝壙

列坐震靈席混合五日房白炁育高生青碧  
紫庭昌左携精上門右抱合和嬰我生日月  
華友賓赤炁王八景照泥九朗然洞房中嬰  
兒為赤子混離生玉容五道秀金華位為上  
清公七祖斷玄滯身得乘神風徘徊三清上  
和樂返嬰童

讀元虛黃房真晨君道經當思日中執君方  
盈真炁日暉之色從兆泥九中入下布兆右  
手之戶畢微祝曰

元虛黃房內日中號方盈左宴朱領臺右携  
仙皇庭寢宴三秀房結我神始生同飛入玄  
玄七祖反華嬰

畢引日暉之炁三嚙止便讀玉經經畢又祝曰  
九元鎮真五帝纏綿日月中王與兆為親大  
縱三五離落魄魂百節全暎玉液迴神五府

生華白炁運煙充溢三清紫房寶津上開仙  
戶下塞死關令飛羽簡玉帝之前七祖父母  
反生南軒虎服攝魔龍旌命神太一錦旌召  
東三官除滅死籍刊名玉真保生太一日月  
同年

讀太極圭四真人元君道經當思左目童子  
飛靈真炁日之華光從兆泥丸中入下布兆  
左目之中畢呪曰

四極太靈元君精瑛日華充溢童明光光二  
景相照通我明梁三丹啓真我道開張毛羽

羅裙飛上上京

畢引華光三嚙止便讀玉經經畢又祝曰

我乘混合炁纏因九真丘養光太昌子併羅  
疑羽珠九尊象帝生景洞迴須臾七祖結解  
散穢積忽已除世世生福昌玄玄獲仙書身

昇太霞宮控龍宴玉虛上朝上清皇寢與幸

正扶

讀四斗中真人七晨散華君道經當思右目  
童子晨盟真炁月之華光從兆泥丸中入下  
布兆右目之中畢微祝曰

七晨飛華華散三元混合成真上招月魄為  
我降靈啓我仙門七祖同飛飛朝帝君

畢引月華光三嚙止便讀玉經經畢又祝曰  
三素中張上元老君神生道固我魄逸遊保  
兆六合惱憂苦沒曲門死炁閉地下身與帝

一君併襟樂六腑鏡心丹玄房熙炁泥丸野  
體曜金暉羽錄召真白炁重鬱百神光鮮長  
與日月符籍纏綿世保道德永為天仙寂寂  
內注遂昇帝庭

讀辰中黃景元君道經當思肺部童子素明

真炁五關暉光從兆泥丸中入下布兆肺部  
華蓋之門上通兩目之童畢微祝曰

童子素明黃雲九纏滄臺飛輪三神協真號  
曰玄上景列位高皇宥總攝命百神携我入  
紫煙

畢引暉光三嚙止便讀玉經經畢又祝曰

二老在左右帝魂照九核陰陽變其上下太  
一立其中根五神衛其生質司命塞我死門  
九宮合而為一六合混而無量世獲仙書福  
慶纏綿五老對席以慶三元偕一來迎上昇

帝晨七祖滯血皆為拔根反胎南宮受生帝  
軒兆宴玉堂同襟帝輪世世列圖服羽揚播

子子保昌慶及後玄長為仙伯役使萬神  
讀金闕後聖太平李真天帝上景君道經當  
思胎中一元白炁君務玄子太一精魂玄歸

子二神真炁三華之色從兆泥丸中入下布  
兆五藏結喉之本戶微祝曰

金闕煥玉清白炁映丹霞明光鬱金靈五色  
吐三華流津寢寢堂結我始生牙玉符召百  
神威章徵萬魔保此億劫仙道明無凶邪

畢引三華之炁三嚙止便讀玉經經畢又祝曰

天生八炁迴合帝鄉五神奉符司命扶將拔  
斷死籍盪穢幽冥七世解結福延玉庭血積  
沉沒三素煥清兆昇天堂與帝合靈世得仙  
契所啟必成種年日中植命月庭反胎童蒙

回為孩嬰生與天同壽與日并

讀太虛後聖元景靈室真君道經當思結中  
青炁君按延昌元君精魂保谷童二神真炁  
炁如玉華從兆泥丸中入下布兆五藏大胃  
上口微祝曰

離合九靈二真幽密太虛重天上攜太一雌  
雄混合同仙妙室上慶九仙下解胎結七祖  
慶欣五苦解脫使我飛騰靈化本質

畢引玉華三嚙止便讀玉經經畢又祝曰  
種福九天昇拔尸地門下七玄解滯積斷樹

陰憂苦反胎朱火宮更生九玄戶真炁日日  
臻禍害日日治兆昇三清堂乘廳上景度命  
與月母俱年隨日帝生累玄保仙籍迴老更  
童嬰福昇六合內受圖永常生

讀太玄都九炁丈人主仙君道經當思節中  
黑炁君炁未生帝真精魂幽臺王二神真炁  
五光之色從兆泥丸中入下布兆九腸之口  
伏源之下畢微祝曰

太玄何寥寥黑炁生上虛帝真洞明景九  
炁合神慮變化十方頌條欵聲明初萬真鍊  
戒仙百關自清居七玄斷胞樹九曾昇福堂  
上招景中子與我登飛輿

畢便引玉光三嚙止便讀玉經經畢又祝曰  
帝魂照元阿常鎮兆生門伏尸滅落保魄寧  
神玄母迴光奉帝王仙右命太一乃及兆身  
北宴上清列為玉賓命生日華年合月煙長  
濟金房晨景為隣除憂伏胃門拔苦三徒中  
福積丹玄內慶充泥丸房百神混帝一大變  
派迴風反兆朽艾形改貌為嬰童世世入仙  
堂玄玄登羽宮大劫雖屢傾與日方增崇

讀上清八景老君道經當思胞中黃炁君祖  
明車天帝精魂理維藏二神真炁黃雲之色  
從兆泥丸中入下布兆小腸二孔之本微祝  
曰

上清曜玄堂八景乘天紀黃炁協神真精魂  
對帝于太一度命籍五符固不死携仙帶晨  
暉迴風反形始拔苦出七祖同歡九玄裏  
畢引黃雲三嚙止便讀玉經經畢又祝曰

白雲合晨景乘素會太微上朝帝一室解帶  
皇一階啟明金門中三陽召上歸昇我身神  
內覆蓋太明威大寶九華光映兆形招雲混  
真散香要靈月中反胎日中受生年享曜景  
命遂無傾身為仙王保此上清世受真書玄  
華玉庭

讀青華方諸宮高晨師玉保仙王青童君道  
經當思血中赤炁君混離子司命精魂發細  
子二神真炁如赤雲之色從兆泥丸中入下  
布兆百關結節之下微祝曰  
晨暉煥東霞丹景映高清二真協神宗落落  
七華生五老飛帝帝太一保童嬰錦雲曜幽

夜玄玄開重冥七祖勒符籍南極受胎靈高  
晨胎雲輿運我昇飛翮拔解億世基歡我萬  
劫程

畢引赤雲炁三嚙止便讀玉經經畢又祝曰  
五道混迴七門始分南和建節白帝彭安靈  
標理魄會昌護神奉符登霄寢息玉軒定錄  
瓊札世為天仙三塗絕破除伐胞根死炁沉  
零禍輪無連福臻重枝慶會華玄名書玉堂  
內世為道德門

讀扶桑大帝九老仙皇君道經當思上玄元  
父高同生下玄玄母叔大玉帝皇太一重冥  
空九帝尊曰明真大帝精魂陽堂王天帝九  
關魂綠迴道天紀帝魂照無阿七神真炁混  
合蓮華之形從兆泥丸中入下布兆本命之  
根胞胎大結之中微祝曰

元父玄母七真齋炁神公大帝九老并位為  
我國生拔度十界日月同符九帝合契坐命  
天魔萬靈崇拜淨景三舉上震文保億世  
畢引蓮花之炁三嚙止便讀玉經經畢又祝曰  
太玄聚暉暎冠扶晨太常變景須史混分入

兆五府堅我玉根雙辨太一合羽揚輪與兆上  
昇迴轉金門年同日德體寶金仙世世昌感  
真符流連玄玄累葉名書靈軒羽籍紫庭飛  
香奏煙福逮百枝慶溢帝門

讀小有玉真萬華先生主圖玉君道經當思

三素老君牽張上正一左仙仲成子右仙曲  
文子三神真炁混合黃白玄三色之雲從兆  
泥丸中入共下布兆鼻下人中微祝曰

玉真生帝景萬華乘雲發三老輔二仙共鎮死  
戶窟神映七華生朽骨蒙更蛻超逸三界庭

五苦感解脫得入九天表上朗高朱曰

畢引三色之雲三嚙止便讀玉經經畢又微  
祝曰

命門合精六混七分太一把籍司命理神帝  
一固形無英守魂太迴紫房奉符帝君胞樹

伐滅斷絕血根七玄更起沉景生煙兆得上  
昇化合帝晨身映日月命與天連重華累

輝威會上尊世書靈羽紫錄內宣乘景三素  
北宴高元號曰仙王上清真人

讀玄州二十九真伯上帝司禁君道經當思

中央玄一老子林虛夫真炁黃雲之色布兆  
陰莖之端北方黑帝保成昌真之炁玄雲之  
色布兆膀胱之中西方白帝彰安幸真炁素  
雲之色布兆陰囊之中南方赤帝長米覺真  
炁絳雲之色布兆口舌之中東方青帝彫梁

除真炁青雲之色布兆五藏內五帝真炁從  
兆泥丸中入下布一身畢微祝曰

五帝明真輔仙玄伯上帝景暉吐靈敷席醫  
醫神曜徘徊重幕羽景保錄太一命籍五炁  
總魂三精固魄金仙鍊容停年返白拔出幽

報日月同宅

畢引五色炁五嚙止便讀玉經經畢又祝曰

上寶月九真日曠變玉室呼吸紫微大混帝  
一八煙叢生百靈明感九魂離合三光同暉

天皇在元紫煙霏霏五神奉圖始命不虧變

入九宮被服朱衣腰佩虎章流雲繡帳帷帳  
爛玕五色徘徊日月照察俠以東西神庭內

醴以除渴飢三五復返轉藏管機周派太一  
生均兩儀

玉清隱文又祝曰

太一變六合五神哺泥丸七積滅三塗血尸  
塞下關三彩對帝真拔所胞樹根丈人號神  
宗同心元素君天皇入太清五老奉符文世  
世登羽宮重華日中軒元王始明精固我本  
命門保弼運錄炁歸上谷下玄玄景映形神

朝躋太上輪日月併玉祿年隨二景分丹書  
玉室內位為天上君左携羽臺子右提金顏仙

讀太無晨中君判娥眉山中洞宮玉戶太素  
君道經當思帝卿肇勒精絳宮中一卿中光  
堅下黃庭弼卿歸上明三神真炁混合青白

黃三色之雲從兆泥丸中入下布兆身三宮

本命帝室畢微祝曰

三真生太無玉戶映晨霞太素洞元虛丹靈  
森朱阿迴神九重府內唱發瓊華百關納津

液停年三秀柯我身騰玉清七祖離幽都長

保不終劫萬世承仙家

畢引三色雲炁三嚙止便讀玉經經畢又祝曰  
帝一混九玄太素五華精寶羽宴玉堂八風扇

太明高上乘元景凌梵履昌靈七化紫房下  
九混五帝清體生六色曜金映流神形感耀

元炁內金書玉皇庭

玉清隱文又祝曰

靈雲始分白炁鬱素混會九玄三五流布帝  
一解形超登霄路太一呼吸五華堅固司命  
主日中白元司月夜日中靜心心玄妙悟夕  
隱泥九百神宣布二宮可以長生心腦可以  
長度

讀西元龜山九靈真仙母青金丹皇君道經  
當思大洞帝一尊君父寧在真炁五色紫雲  
之煙從兆泥丸中入下布一形之內散炁九  
孔之中畢微祝曰

九靈通妙化金仙混扶桑帝一變百神合靈  
西丹皇上為胎仙母下號稱神宗曜景絕雲  
杪蕭蕭紫微宮為我執命籍保真三素房妙  
景空中降鍊戒反嬰蒙七祖絕苦源逸超九  
福堂

畢引紫雲三嚙止便讀玉經畢又祝曰  
太上洞明飛景九元結精凝炁化炁變神司  
命混合散形億分千乘火甲萬騎揚幡俱與  
太一上造帝仙伯无起徘徊成曲文一合我

炁再合我神三合我魄四合我魂五合我精

六合我身我身六合洞靈格真八景虛駕三  
素浮輪我與帝一俱昇玉晨重華累枝混會  
天仙身有道籍世有生根金簡羽符名刊日  
軒所願即從天祿誥誥所向如心萬福盈門  
常存太上帝一泥丸雌雄混化百靈纏綿讀  
經萬編雲駕來延携宴五帝日月九君號為  
仙翁上清真人

大洞玉清隱祝九天上文出自高上口訣解  
滯散怨大洞真經三十九章理極於此上則  
引致高靈之霞暎下則滅於萬魔之凶殃秘出

陽要四十二誦之一編開明幽關三十九戶納  
受玉津死炁沉塞百神內歡百神既暢則聲  
達九玄炁朗紫霄響叩玉晨五帝東帶萬靈  
朝軒生生來歸七祖昇遷身致羽翼駕景

乘雲飛行玉清位齊紫霄此高玄之妙道玉清  
之秘篇出秘要皆授金名玉字高仙真人  
七百年中有合此質聽得一傳後聖曰得受  
大洞真經三十九章修行之日當先行大洞  
之儀格誦玉清隱祝之文又存思百神內名

外則過於萬試內則塞於死關如此一編便  
得一日一夜畢誦三十九章不煩徧徧依舊  
行其儀軌也若明日又登齋誦經者當更按  
舊一過行之

凡欲遊行五嶽歷觀羣山留命俾白保壽劫  
年未欲飛騰速離世間者便可以太歲本命  
八節之日單誦玉清隱祝內思百神一徧不  
須誦玉經也如此百徧則炁參晨霄百神內  
纏千徧三元下降刻名帝篇長保日月天地  
齊年萬徧道倘乘雲駕龍遊行太虛領括羣  
仙此道高妙慎宜非真

九天玉清紫文丹章錄字隱文

廣 志 志 志 志 志  
廣 志 志 志 志 志  
廣 志 志 志 志 志

𠄎 𠄎 𠄎 𠄎 𠄎 𠄎 𠄎  
 𠄎 𠄎 𠄎 𠄎 𠄎 𠄎 𠄎  
 𠄎 𠄎 𠄎 𠄎 𠄎 𠄎 𠄎  
 𠄎 𠄎 𠄎 𠄎 𠄎 𠄎 𠄎

𠄎 𠄎 𠄎 𠄎 𠄎 𠄎 𠄎  
 𠄎 𠄎 𠄎 𠄎 𠄎 𠄎 𠄎  
 𠄎 𠄎 𠄎 𠄎 𠄎 𠄎 𠄎  
 𠄎 𠄎 𠄎 𠄎 𠄎 𠄎 𠄎

𠄎 𠄎 𠄎 𠄎 𠄎 𠄎 𠄎  
 𠄎 𠄎 𠄎 𠄎 𠄎 𠄎 𠄎  
 𠄎 𠄎 𠄎 𠄎 𠄎 𠄎 𠄎  
 𠄎 𠄎 𠄎 𠄎 𠄎 𠄎 𠄎

紫文丹章綠字隱文一百二十言乃九天之  
 上炁凝紫暉之精結成自然之章表見玉清  
 宮中其文煥曜照明上清致高上注筆通其  
 隱音以網維玉處制命九天巨御威神名真  
 檢靈即元始天王所佩以傳玉清帝君銷魔  
 大玉玉清神霄玉華侍文玉童玉女各二十  
 四人糾於編慢管衛佩文者身得佩此文則

與九天齊真名書丹臺位准高玄身發紫光  
 項負圓明遊行太虛十界司迎致三元下降  
 同宴霄翥修行神仙之道披誦高上玉清隱  
 書大洞真經當安身方丈之上心曠紫文丹  
 章左把流金火鈴右御豁落七元則玉虛不  
 招而自降大洞不叩而發關萬真應機而感  
 會羣魔束身而自亡運策八炁迴轉五辰坐  
 命萬靈役御羣仙炁合高虛形齋紫賓九天  
 之秘奧玉清之隱文有泄此章身被風刀責  
 及七玄生死之考一如九天盟文  
 有金名玉宇列圖九天得見此文當以絳紋  
 之繒三尺為地以紫筆書丹章於繒上紫  
 紋九十尺金魚玉龍詣師清齋九十日北向  
 告盟九天而傳弟子受以錦囊佩之當心也  
 得佩紫文丹章皆位准高玄得受玉清隱書  
 位准太真坐起寢息皆與玉虛交纏玉華衛  
 真於左右五帝髣髴於寢軒不得雜同於常  
 俗混穢於高真也犯則神逝而魔前被擄而  
 失仙矣  
 佩紫文丹章出入卧息乃行道之際相當先

思己身有紫暉之光玄覆於上炁統一身便  
 叩齒九通而祝曰

玉虛九重紫暉八纏玄光重映玉清吐津紫  
 文丹書表明九天制命萬靈招役羣仙威攝  
 萬萬檢萬千千影響立命五雲登煙飛與紫  
 蓋倏忽來前使我乘空高登玉晨

畢便引紫炁十二噫止如此九年即有紫雲  
 之蓋膜覆兆身身生紫光照明十方通神致  
 真洞觀太虛也

昔上元夫人以隱文授太和玉女太和玉女  
 授幼陽君陽君道成昇虛以文封於九疑洞  
 室七百年當授合真通玄之人後學精念自  
 當感會預有緣也

上清太上玉清隱書滅魔神慧高玄真經

釋音

撒音家 馮元俱切 鐵 桑希切 撫音朽  
 參差 于連切 抄音抄 照 班康切 晶音皎  
 余衣檢切 降伏上音航 斌 祖民切 巾音  
 三便 下平 显音育 纂 莫秋切

上清高上滅魔王帝神慧玉清隱書 承二

高上玉清刻石隱銘內文

上清高上刻石內文玉清上官北壁隱書鬼  
 神內銘高上玉帝以傳太微天帝君三道立  
 正太微天帝君以授後聖太平道君以刻書  
 鄴都六宮下制北帝鄴都之山道君書其文  
 備遊十天召神滅魔成伏萬精封檢五獄束  
 縛羣靈上披天關迴轉五星縱景萬變真光  
 洞明流金交煥十天鬱冥欲殺者殺欲殘者  
 殘適意所造平斷死生其道嚴妙玉帝之精  
 有見其文不學立成北帝鄴落死青華記名具  
 仙來朝上造王庭玉清隱書玄旨秀靈瓊音  
 洞微妙趣明徹八電激威制靈使氣榮召璇  
 璣輪轉五辰七星奔移坐命九天萬神總歸  
 玉司浮位二景停暉千精伏窺羣魔滅推詠  
 其辭則天關洞開說其呪則萬真解懷紫霞  
 流映金仙侍靈天元敷庭八風肅清玄光冥  
 滯三景合明天淵靜波巨虬嚴征神虎振威  
 毒獸羅兵斬敵不祥妖魔伏形萬萬受事千  
 千皆平五通七合三氣齊并子有玉骨當尋